

BE.707. HAGOGOON DOHOT APUL-APUL (Eb=1)

=====

B.E. 707. HAGOGOON DOHOT APUL-APUL

1. Hagogoon dohot apul-apul
do dilehon Tuhan I tu au,
Ganup ari au ditogu-togu
ganup tingki diondingi au.
Ai hombar tu lomo ni rohaNa
do dilehon Tuhan I tu au
Ro marsorin arsak las ni roha
haporseaon hu di patau.

2. Ganup tingki Tuhan raphon ahu
Jala sai dipasu-pasu au.
Sai di togu au molo madabu,
Talu musu jala monang au.
Ai pargogo nasohatudosan,
Debatangku salelengna I
Mangalehon dame dohot tua,
Tu angka nabojok roha i.

3. Songon Ama do tu anakkonNa
Holong ni Tuhanta I tu au.
Ndang mansadi pangurupionNa
Hombar tu padanna na tu au.
Debata Amanta na di ginjang
I do haposanhu sai tongtong.
Dipangiringiring ni tanganNa,
Dame, sonang do rohangkinon.